

اسلام مجموعہ سی

شعاری : دینی بر مہیات ، مہیاتی بر دینہ ، در .

میل ۲ صانی ۲۳ ۲۴ ربیع الآخر ۱۳۳۲ ۲۶ شباط ۱۳۳۰ مدیری : عظیم ثابت
جلد ۲

قرآنہ کسبم

« انظرمون ان یؤمنوا لکم . . . ومنہم امیون لا یعلمون الکتاب الا انما فی وان ہم الا یظنون »
[حاشیہ فی مفیوم قرآنہن | مرحوم مناسرتی رفعت

نقد

اجتہاد خطاری منصور زادہ سعید
۱. یکرمی بزنجی صابیدہ نشر اولئان اجتہاد خطاری عنوانی مقالہ دہ باککش تلقیات
سیبہ شدی بہ قدر ہی حالہ ابقا ابدلہ کلن بعض احکام عقودک اخیراً حکومت طرفندن
موقع اجرایہ قوانن برقانون موقت ایلہ اصلاح وتوسیعہ موقت حاصل اولدیغنه وقانون
مذکور احکامک معاملات ناسی توسیعده کوستردیکی اصابتہ وسلسلہ خطیثانہ واصل
اولان بیع بانصرطک فسادینہ دائر |

اصحاح

« اجماع فقہاء » تک تعریفی وابطاحلر عظیم ثابت
۱. اجماع فقہاءک تعریفی . تعریفک روح نقطہ سی . اتقنک آکلاشیسی . عزیمت
طریق . رخصت طریق . اجماعک اصل عاملی . شدتلہ قضی حکمر . تمینی حکمر .
یونلرک تعریفلری ، یونلر اوزرندہ انعقاد ایدن اجماعلرده عرفک عامل اولدینی |

مدافعه

جواز مقالہ سی مدافعه . از میری اسماعیل حقق افندی بہ منصور زادہ سعید

اسلام موادنی

[ایکی هفته لی جہاد خبرلری ، رسمی تبلیغاتہ کورہ]

نسخہ سی ۶۰ پارہ در

توزیع یری « زمان کتبخانہ سیدر »

مطبعہ خیرہ و شرکاسی

حجراته استیلا منده حسن بولونديغندن حقه تحسینی حکم ورودايمشدر .
کوريلیورکه بوراده دخی اساس ، حسن وقیح مسئله سیدر . حسن وقیح
ایسه دوغروندن دوغروییه عرفک محسولیدر . بناء علیه تحسینايدنه العقاد
ایدن اجماعلرده دخی عرف حاکم ، دیمکدر .

ملیم ثابت

مداغه

جواز مقاله منه مقابله یه مدافعه

از میرلی اسماعیل حق افندی یه

جوازک احکام شریعتدن اوندیغنه دائر مقاله منزه برسلسله خطیئات تشکیل
ایدن مقابله لریکنز شایان رد و مقابله برماعیتده اولدیغنی حالده برلسان غرور ایله
قابل مدافعه دلکش کی کویستمک ایستین مقاله کنزی کچن هفته سیل الرشادده
کال حیرتله اووقودم . بویکی سوزلرء عتف اهمیت ایتمزایسه منده بر حقیقت علمیه نک
دها زیاده ظهور و تجلیسنه ، شریعت اسلامییه اک مضر بر اساس وضع ایدن
بر خطای اجتهادی رفع وازاله یه خدمت ایدم جکی جهته مدافعه منه باشلادم .

مقابله کزده جواز احکام شریعتدنر دیه ادعا ایدم بیلیمک ایچون جوازیفی
خرجی - که تعیر آخرله سلب ضرورت دیمکدر - اعلام معانسه در دیورسکنز
مقصدیکز جوازک معانی آندن عبارتدر بشقه معانی یوقدر دیمک ایسه
کندیکنزده جواز ، سلب ضرورت معانسه در دیه ، اعتراف ایدیوردیکز .
صریح بر تناقص اولمازی . یوق اکر مقصدیکز جواز احکام شریعتدنر .
ادعاسنده اضرار ایدم بیلیمک ایچون بشقه چاره اولدیغندن جوازیفی خرجی اعلام
معانسه ده استعمال اولئور . بویولده اصطلاحلری وارددر . دیه رک جواز
احکام شریعتدنر . ادعاسنه موفق اولورز دیمک ایسه - چونکه اولیه بر اصطلاح
ادعاسی ایچون بوندن باشقه اورته ده بر سبب یوقدر - بویک غریب اولمازی

بر حقیقی تسلیم ایتامک ایچون بویله بر ادعای مجردده بولنق فصل موافق اولور.
هیچ اصطلاح وارد دیمکه اصطلاح ثابت اولور می .

اوت عرض ایتدیکم کی اویله بر اصطلاح ادعای ایچون جواز احکام
شریعتندردیه اصرار ایدم یلمکدن باشقه بر سبب باشقه بر مقصد یوقدر .

حتی او قدر که هر یرده جواز نفی خرج نفی ضرورت و بوکا مماثل مالا متحد
شیلر ایله تفسیر اولنورده جواز احکام شریعتندرد . دکلدر بختری کلتجه
یا لکز اوراده جواز نفی خرجی و یا نفی ضرورتی اعلام معنانه در . و بویوله
اصطلاح وارد کی ادعای میدانه چقار . هر یرده معلوم و مشهور اولان جواز
معنای اوراده مجهول اولمغه باشلاز . چونکه هر کسک بیلدیکی مشهور اولان
معنانه حمل ایدیه چک اولور ایسه جواز احکام شریعتدن اوله مه جق شارعدن
زیاده شریعت طرفداراتی ایدنلر ایچون بوندن دعاهم مسئله تصور اولور می ؟
ارتق بونک ایچون چاره آرانیلیر کیمی شویله کیمی بویله در دیر کیمی ده جواز
نفی خرجی اعلام معنانه در . بویله اصطلاح وارد . جواز شرعی بودر کی ادعای
ایدر . بوضورتلره جواز احکام شریعتدن اولماق تهلکه سندن کویا قورتاریلیر .
ارتق بوتون بو ادعای کورتیلیر صرف جواز احکام شریعتندرد . دیمک ایچون
تصنیع ایدلدیکنه ، بی اصل و اساس اولدیغه شبه ایدیه بیلیر می هیچ قوری بر
ادعای مجردله اصطلاح ثابت اولور می .

هیچ اولمازه کله نک یعنی جوازک صور و مواضع استعمالیه اویله بر اصطلاح
موجود ایسه استدلال و انتشهاد ایتک اقتضا ایتزی .

عجبا وجوب و حرمتده جوازده کی کی اصطلاح ادعای نهدن در میان
ایدلیور . وجوب و حرمت حقده جوازده اولدیگی کی متعدد معال و اصطلاحلر
وارد . وجوب و حرمت ، فعل و یا ترکده ثبوت خرج ثبوت ضرورت معالرنده
استعمال اولدقلری کی ثبوت خرجی ، ثبوت ضرورتی اعلام معالرنده
استعمال اولنورلر آنلرکده بو خصوصده جوازدن هیچ برفرق یوقدر کی بر
ادعاده نه ایچون بولنیورلر نهدن بو خصوصده وجوب و حرمتی جوازدن آیریورلر .
شبه یوقدر که بوکا سبب وجوب و حرمت دوغروندن دوغری احکام

شریعتدن اولماری ایچون اولیه جوازده کی کئی آنلرده ده اصطلاح ادعا ایدرک بشقه معاهدات ایتمک احتیاج یوقدر فقط جواز اولیه دکل چونکه جوازک معنای معلومه نظرآ ایراد اولان ادله نتیجه سی اوله رق احکام شریعتدن المدیغی تحقق ایدیور. ایته آنک ایچون یالکیز جواز حقده بشقه بز معنا احداث ایدیلور. بشقه بر اصطلاح ادعا اولونیور.

اشته شو بیاناتمه جوازک نفی خرجی اعلام معانیده اولدیغی ادعاسی، ماهیتی اعتباریه احکام شریعتدن اولغه قابلیت امکانی اولیان جوازی احکام شریعتدن عدا ایتمک ایچون اولدیغی تمامیه تظاهر ایدیور. خلاصه جواز نفی خرجی اعلام معانیده در. چونکه جواز احکام شریعتدنر دینیلور. اساساً جوازک احکام شریعتدن اولسی ده جوازک نفی خرجی اعلام معانیده اولدیغه و بویه اصطلاح بولدیغه استاد ایدوب دوریور. بونی سوزلریله احتیاج ایدیکر تنقیح النصول صاحبی بک آجیق بیان ایدیور. جوازک احکام شریعتدن اولدیغی جوازی نفی خرجی اعلام ایله تفسیر ایتدکری ایچوندور. نفی خرج ایله تفسیر اولونسه احکام شریعتدن اولماز دیور. سزده جواز احکام شریعتدنر. چونکه جواز نفی خرجی اعلام معانیده در نفی خرجی اعلام ده شارعک اثر خطایی اولدیغندن شبهه سز بر حکم شرعیدر دیه صراحة بیان ایدرک تنقیح الفصوله تبعاً ایدیور سکر. شو حالده جواز احکام شریعتدنر دعواسنده دلیل جوازک نفی خرجی اعلام معانیده در ادعاسی اولدیغی تمامیه اکلایلیور. دیمک اولیور که عرض ایتدیکم وجهله جواز نفی خرجی اعلام معانیده در. چونکه جواز احکام شریعتدنر. دینلیدیکی حالده برده بالعکس جواز احکام شریعتدنر چونکه نفی خرجی اعلام معانیده در. دینلمش اولیور می.

بومصادره علی المطلوب دکل ده نه در دعوی بالاخره کندی دللته دلیل اوله رق ایراد ایدیلور می؟!

اشته بویه آنلرجه بومجئده اساس، جواز احکام شریعتدنر ادعای مجردیدر دلیل ده مدلولده آندن عبارت قالیور جواز نه ایچون احکام شریعتدنر نه دن بویه حکم ایدیور سکر دینلیرسه جواب اوله رق چونکه جواز نفی خرجی اعلام

معانده مستعملدر. بویه اصطلاحده واردر) دیورلر صکره دلیلہ انتقال ایدرک
جواز اتی خرجی اعلام معانده مستعمل اولدیغنی و بویه اصطلاح بولدیغنی
تره دن بیلورسکز. دیتلریکی تقدیرده ده دعوالرینه رجوع ایدرک جواز احکام
شریعتدن اولدیغندن جوابی وریلور خلاصه جواز احکام شریعتدنردن بشقه
برشی یوق دلیل و دعوا هپ بوندن عبارتدر.

ایشته بویه جوازک احکام شریعتدن اولدیغنه دائر هیچ بر دلیل بیان
ایدیله مدیکی ایچون مدافعه ایدیله جک هیچ بر نقطه سی یوقدر.
بالطبع بوندن صکره مقاله اساسیده ایرادایتدیکم دلایله قارشو اعتراضاتکره
مدافعاتری بیان ایدم جکز.

۴

مقاله اساسیده شریعت بر قانوندر قانونلر انسانلرک افعال و حرکاتی تقید
ایچون وضع اولور جواز افعال و حرکاتی تقید ایدر بر حکم دکلدر. بناء علیه
جوار احکام شریعتدن اوله ماز کی مطالعاتمه قارشو شریعت قانون دکلدر.
شریعت مصالح عباد ایچون وضع اولمش یولدر دیورسکز ییلم بونکله ندیگ
ایستورسکز بز شریعت مصالح عباد ایچون وضع اولمش یول دکلدر دیدیکی؟
بونی کیم انکار ایدر اوت شریعت مصالح عباد ایچون وضع اولمش یولدر فقط
قانونده مصالح عباد ایچون وضع اولمش یولدن بشقه برشی بوکا جواب قبول
ویره جک اولور ایسه کز شو حالد خلاصه مقصد کز اولان شریعت قانوندر نتیجه سی
چیمازی یوقسه مقصدیکز شریعت قانون دکلدر دیمک ایچون شریعت مصالح عباد
ایچون وضع اولمش یولدر دید کدنصکره قانون مصالح عباد ایچون وضع
اولمش یول دکلدر دیمک ایدی ده بصله اوتودلش و یا خود طی ایدلشدر.
دیمکی اگر بویه ایسه طبعیدر که شکل نانیدن بر قیاس ترتیب ایدلش
و مقصدیکز اولان شریعت قانون دکلدر. نتیجه سی ایدلش اولور. فقط
بو صورتده قانون مصالح عباد ایچون وضع اولمش دکلدر مقدمه منسبه و یا مطوبه سی
هیچ بر کیسه طرقتدن قبول ایدلمازدی هتر قیاسلر کز ایله بونی اثبات ایتکده در
یوقسه معلوم اولان کیسه طرقتدن انکار ایدیلان شریعت مصالح عباد ایچون

وضع اولئش یولدر سوژی اثبات ایتکدن تهجقار نیلیم بکا بونلر پک غریب کلیور بویله غریبهلر ایله مالا مال اولان مقاله لریکزه مدافعه یه ایکی ده برده نه دغوت ایدوب دوریورسکز .

برده جواز امر اعتباری اولدیقدن امر عدمی اعتبار اولدیغی کی امر وجودی ده اعتبار اوله بیلیر وجوب و حرمت ده بالعکس امر وجودی اوله بیلیرلر وجوب ؛ فعله مؤاخذه نك عدمدن حرمت ترکده مؤاخذه نك عدمدن عبارتدر دیه تعریف اوله بیلیرلر وبو صورتده امر عدمی اولورلر دیورسکز .

امور اعتباریه نك وجود خارجی یوق ایسه ده آنلر حد ذاتنده نفس الامرده متحقق وثابتدرلر آنلرکده ماهیت حقیقه لرینی بیلدیریر تعریف حقیقلری وماهیتلرندن خارج تعریف اسمیلری واردر نه امر عدمدن عبارت اولان بر ماهیت امر وجودی اوله بیلیر نه ده بالعکس . سز تعریفلریکزه قلب ماهیات ایده مزسکز .

برده وجوب، حرمت حقده وضع ایتدیکنز تعریفلره عطف نظر ایدم وجوب فعلده مؤاخذه نك عدمدن عبارت دیه نصل تعریف اوله بیلیر جوازهه اویاه دکی تعریفکنز جوازه شامل اولماز می بر شی حقده جائزدر دیمک فعل و ترکنده مؤاخذه اولماز دیمک دکی شوالده جواز فعل و ترکده مؤاخذه نك عدمدن عبارت اولماز می (فعله مؤاخذه نك عدمی) تعیری کرک ترکده مؤاخذه اولونسون و یاخود اولونسون صورتیه تعیم اولتورسه جوازه نصل شامل اولماز بوق اکر مقصدکنز تعیم دکلده وجوب یالکنز فعلده مؤاخذه نك عدمدر دیمک ایسه بوصورتیه (یالکنز) تعیری ترکده مؤاخذه نك ثبوتی افهام ایتمی نصل امر عدمی اولور .

برده شو غریبه یه یاقوبده حیرت ایتماک الدن کلیور .

احکام وضعیه حقده افعال مکلفیه تعلق ایتمان احکام تعیری استعمال ایتدکن بشقه آنلر افعال مکلفیه تعلق ایتماشدر دیورسکز فقهده هیچ افعال مکلفیه تعلق ایتمان احکام بولتور می فقه افعال مکلفیه متعلق احکامدن بحث ایدن بر علمدر دیه تعریف اولتور می یوقسه احکام وضعیه احکام فقهیه دن دکی احکام

وضیعه‌دن فقهده بحث اولماز می؟. بوتون کتب اصولده حکمی اقتضا و یا تخیر و یا خود وضع طریقاه افعال مکلفیه متعلق اثر خطابدر دیه تعریف ایتورلر می (و یا خود وضع طریقاه) صورت تردیدی احکام وضعیه بی تعریفه ادخال مقصديه دگلی شو حالده احکام وضعیه، افعال مکلفیه متعلق احکام دیمک اولماز می احکام وضعیه رکنت سیت کی شیلردر. سزده احکام وضعیه دیه بونلری تعداد ایدیورسکز و مثال اولق اوزره قیام نمازک رکندر بیع ملکه سیدر کی حکملری ایراد ایدیورسکز قیام افعال مکلفیندن دگلی رکنت یعنی نمازک رکنی اولق حکمی قیامه تعلق ایتور می قیامک صفی دگلی بیع ده افعال مکلفیندن دگلی احکام وضعیه دن اولان سیت یعنی بوراده ملکه سبب اولق بیعه تعلق ایتماشمی ملکه سبب اولان بیع دگلی دوغری شریعتک قانون اولدیغنی انکار ده اغریب ایسه ده کتابلری کزده مصادف نظریکز اولیه بیلیر و سز اعل نقولدن اولدیغکز ایچون بلکه بر درجه یه قدر معذور کوردیکدن می بیلم اوکا او قدر حیرت ایتورم. فقط بذات عقولک صراحت نقولک شهادتی، خلافت احکام وضعیه، افعال مکلفیه تعلق ایتمز نه دیمکدر.

سیدر

اسلام صوادق

ایکی هفته لقی جهاد خبرلری

قرارگاه عمومینک رسمی تبلیغاتنه کوره

۱۳ شباط ۳۳۰: بوکون دشمنک قوتل اون زرهلیسی چناق قلعه بوغازی مدخلنده کی طایبه لرمزه قبل الزوال ساعت اوئده آتش آچهرق بعد الزوال ساعت بش یحفه قبر دوام آتش وبعده بوزجه آله استقامته چکیلشدر. آناطولی ساحلنده کی طایبه لرمزدن انداخت ایدیلن مریاتدن دشمنک آغا ممنون سیتمنده بر زرهلیسی ایله ده ا یکی زرهلیسک خساره اوغرا دینی ترصدا ت نتیجه سی آکلاشلشدر.

۱۴ شباط: دشمن دوناماسی بوکون سد البحر استحکاماته اوزون فاصله لرله آتش

ایتمشدر.

۱۵ شباط ۳۳۰: دشمن دوناماسی سد البحر بطاریه سه تارشی بوکون ده بطی بر صورتده آتیه دوام ایتدی. بعض نقاطه کشف قوللری اخراج ایچون یابدینی تدبیرلر عیم بر اقلیدی.